



36999

Mag. St. Dr.

P

*typis Coll. mai. Univ. Crac. 1746.*



Teol. 3160



XI. d. 30



In Laudem  
DIVI STANISLAI  
CASIMIRITANI

Primo, in Regia Scientiarum Universi-  
tate Cracoviensi Sacrae Theologiae PRO-  
FESSORIS, tandem Amplissimi CANONI-  
CORUM LATERANENSIIUM S. AUGUSTI-  
NI Cætus PROFESSI ac PRESBYTERI.

ORATIO.

Qua

suæ recurrenti annuæ celebritati  
*In Peraugustis Sacratissimi Corporis Casimiræ  
ad Cracoviam Aedibus.*

M. JOANNES BAPTISTA VLADISLAUS  
S N I A D E C K I

AA. LL. Philosophiæ Doctor, Matheos Professor,

Pro more Academico

*Anno Aerae vulgaris 1776. Die 3tia Maji  
publicè*

PROLUSIT.

*Typis Collegii Majoris Universitatis Cracoviensis.*

Vll. 4. 30.



REVERENDISSIMO  
PERILLUSTRI SPECTATISSIMO VIRO

D. O M I N O

D. JOANNI CANTIO DONATIANO

DOB R Z A N S K I

SACRÆ THEOLOGIÆ DOCTORI.

LATERANENSIIUM per Minorem Poloniam &  
Magnum Ducatum Lithvania CANONICORUM

P R Æ P O S I T O

ac

P R Æ L A T O G E N E R A L I

De Literis & Instituto suo Sacerrimo

M E R I T I S S I M O

F A V E N T I S S I M O M E C Æ N A T I

tum

P E R I L L U S T R I B U S & A D M O D U M

R E V E R E N D I S D O M I N I S .

*Ejusdem Candidissimi Coetus*

P R Æ

36.9997.



PRÆPOSITIS  
VIRIS OPTIMIS  
SUIS TITULIS ac MERITIS  
CONSPICUIS.

—atque  
TOTI INTEGERRIMO AMPLISSIMOq;  
AD COMITIA GENERALIA  
In Primariam Casimiriensem Canoniam  
CONGREGATO CAPITULO  
*PATRONIS DIGNISSIMIS.*

Ode Jambica.

O congregata de remotis sedibus  
Cohors Lateranensium!  
Vestri Parentis, Optimique Præsulis  
Leges volentes exequi,  
Nil cujus hæsit pectori unquam firmius  
Quàm Vos tueri prosperos,  
Rebûsque florentes videre maximis  
Pro Gentis hujus gloria.  
Florere verò nulla regna siveverant  
Nisi subacta legibûs.

Ar-



Arcent malorum quæ superbos impetus.  
Bonos probosque munerant.  
At nil sacrata jura profunt Publico  
Nisi innoventur sæpiùs.  
Nisque mandentur frequenter subditis,  
Suum rigorem hi posthabent.  
Idcirco Vos coëgit huc Vir anxius  
Præclara Claustri Lumina!  
Opem daretis in quibusvis arduis  
Ut disciplina floreat.  
Omnis redundat unde splendor gloriæ  
In Vos Jesuque vineam!  
Ne deleatur Vestra cura fervida, hac  
Oblivione temporum;  
Sciantque cara posterorum tempora  
Stetisse Vos pro Legibus,  
Est digna virtus inseratur marmori  
Notetur aurô tum cedrô.  
Hoc sine Coelestis STANISLAI exaro  
Laudes, Polo quem protulit.  
Religio Vestra, moribus perinclita  
Famâq; celebris, & ferax  
Magistra Sanctorum Virorum, quos Domus  
Superna jam complectitur.  
Sit testis isthæc qualibet perennior  
Cedrô, vel ære pagina.  
Vos velle semper contineri legibûs  
Et Patrios gressus sequi.



# NUNCUPATORIA

**E**quidem *Causa* ipsius *ratione* adduci vix potuissem; *Orationem* ut ist-  
hanc (quam timide admodum verecundeque *juris publici* facio) Au-  
spice alio, praterquam Gravissimis Vestris Nominibus prafulcirem at-  
que honestarem. Agitur enim hic *Causa* honorificentissima Gloriz STA-  
NISLAI. qua *Vestra* etiam est vel ideo, quod eadem Sacerrima Familia  
*Superis* editus, omnia praclare gestorum ornamenta, Catui Vestro Candi-  
dissimo, hereditaria voluerit. Novi autem haud obscure, priscae illos Ro-  
manos Heroum suorum recte factis, alia ut gentes triumpharent, non pas-  
sos; atque ideo omnem posteritatis memoriam existimationemque sustinere:  
quod ipsum paulo aequius de Vestris VIRI AMPLISSIMI Studiis suspicabar,  
non temere quidem, sed quia de Virtutis Prærogativa contendendi, ambitionem  
Vobis inesse non minus *Superis* gratissimam quam mortalibus gloriosam.  
Accedit inquilina Vobis cum Literatis necessitudo, cujus illiciti atque hortatu  
levidensem isthanc operam, gravitate *Vestra* patrocinioque insignivi, constaret  
ut liquidè, Integerrimo Lateranensium Collegio, propter arctissimam cum  
Erudi-



Eruditis consuetudinem (quam Principes etiam Viri ac Proceres constanter coluerunt & colere etiamnum non dubitant) primas semper deferri, a quo iure debere.

Diis autem propitiis factum est, quod cum affinitas materia, ad infinitam ex praeclaris facinoribus STANISLAI Gloriam declarandam, Ordinis quoque Vestri totius Gloriz militandi amplissima, Provinciam obtulerit, totius pariter Vestri Sacerrimi Collegit, ad eam vulgandam atque in sinu benevolentia reponendam, praesidium patrociniumque affulgeret. Cujus hospitalitatis beneficio effecistis, ut STANISLAI Vestraque amplissima gloria causam sustinendo, ego ipse gloriar vehementer, tanti Catus patrocinio praesidioque muniri, qui non modo in Patriam ac Ecclesiam meritis Clarissimus, sed Sapientia quoque ac Virtutis domicilium feracissimum audit. Nam sive ad Instituti Vestri gloriosa incunabula respiciam? jam tertium decimum Saculum Militiae Vestrae sub Christi Stipendiis promerita numerat, vetustatemque Ordinis non modo Fidelitatis constantiam, sed facinorum etiam magnitudine commendat. Si in splendidissimum Lateranensem nomen mentem conjicio? novi primum illud à Celeberrima Lateranorum Consul Familiae, Romanis principe loco habitum, magnificentissimum Stirpis Nobilissima Palatium augusto isthoc nomine consignatum, à Constantino Magno post fusu armis Maxentium Pontifici Silvestro oblatum fuisse, ex monumentis Historiarum didici, in augustissimas tandem SALVATORIS Aedes devotum, Divinis Artibus, Saeroque isthoc nomine decorari meruisse. Cum verò amplissima istius Fastiis moderamini Petri Sedes Integerimam Vestram Familiam praefecisset, jure quodam hereditario tanta nominis excellentia Sacerrimo Ordini Vestrum universo honorificentissime concefferat, & Celebratissimum Romanis Lateranensem nomen, amplissima meritis ac relectissimis

Vestra



*Vestra celebritati praluserat. Atque hic quis quaso tam ingenio atque natura tardus, cui in mentem statim non veniat, quantis benemeritis, quanta existimatione quantaeque integritatis famam Catum Vestrum Candidissimum conspicuum esse oportebat, ut Summorum Pontificum aestimationem amoremque mereretur? Sancte loquar hic ego pace Vestra paulo liberius AMPLISSIMI VIRI! tam gravissima rei causam, Principis scilicet Roma Urbis atque adeo Orbis totius primaria & Splendidissima Domus habenas, Catui Vestro à Providentissimo Pontifice Eugenio IV. nuspiam committi potuisse: nisi universa ornamentorum meritorumque genera, in Familiam Vestram Sacerrimam conspirassent, quae Vos non modo tanti Christianae Reipublicae Capitis benevolentiam illustres, tantae Dignitatis Authoritatisque Splendore dignos verum etiam tanti Nominis haeredes, Pontificis suis literis iterum iterumque confirmatos, supra ceteros fidelium mortaliumque Catos extulisset. Non est igitur quod mirentur cuncti, Sacerrimam Lateranensem Militiam inter cetera dicatorum Deo hominum Concilia, in amplissimo honoris gradu collocatam: cum eam uberrimis quoque promeritorum suffragiis in eam Dignitatis sedem erectam, aequitatio ipsa comperiant. Nimirum: fuit Integerrimo Ordini Vestro Gravissimi Viri! ea divinitus adjuncta fortuna, ut, cum se publicis Christianae Reipublicae necessitatibus impendisset: hoc unum sollicitè provideret, ne ulla in parte, Virorum rerum agendarum dexteritate spectatorum, munus à Vobis unquam desideraretur. Hac igitur virtutis Vestrae existimatio effectis, ut Summorum Christianae Religionis Antistitum favoribus aucta, apud Principes quoque & Optimates gratiam valeret plurimum.*

*Quid enim dicam de immortalis semper apud Polonos memoriam colendo Principe VLADISLAO JAGELLONE qui Gentem nostram eoque beatam, firmissimisque Religionis sacrosanctae praesidiis instructam, minime repuitabatur: donec Catum Vestrum Amplissimum non modo ad Fidei Romanae integri-*



integritatem & incrementum, sed etiam Patria universa ornamentum ac felicitatem ex Glacensi Canobio in Poloniam induxerit, augustissimique hujus Casimiriensis Sacrarum Moderatores, Sacrorumque Ministros praefecerit. Quibus verò tandem in Patriam ac Religionem meritis Carus Vester candidissimus splenderet, non est difficile ac obscurum intelligere singulis, ex tanta Collegiorum Vestrorum frequentia, qua Principum in Vos Virorum munificentiam amoremque evidentius loquuntur, ex tantis Privilegiorum prerogativis Sacerrimo Ordini, primisque Vestris Moderatoribus indultis, que ingentem de Vobis Procerum fuisse existimationem significant, ex tantis in Vos Gravissimorum Virorum studiis, qua Vos ad Pietatis Religionisq; Officia indole quadam veterique institutò paratissimos, ac dotibus iis, quas natura benignior, fortuna liberalior, virtus denique excellentior in mortales distribuit, ornatissimos spectatissimosque praedicant. Quid? si meritorum Vestrorum magnitudinem ex maturis pietatis sapientiaque fructibus metiendam putarem? injurius potius, quam gloria Vestra Studiosus ponderator viderer, qui notissima singulis inconditè occinerem, quasi ea nondum universis innotuisse dubitarem. Caterum quàm non immerito suum Vobis Patria ac Christiana Respublica ornamentum praesidiumque in STANISLAO debeat, istud ex postrema praeniorum suorum parte (nisi me meus fallat amor) consequi luculenter licebit, atque evolvere, Sacerrimum Lateranensium Canoniorum Cæterum, ad istiusmodi gloria existimationisque fastigium pervenisse, ad quod non fortuna & favor, sed ipsa duntaxat numeris omnibus absoluta virtus, animique excelsi industria aspirare ac eluctari possit.

Qua cum ita sint, occur igitur in tanto beneficio Vestro mihi non magnopere complaceam? eos nimirum lucubrationis meae Auspices nactus, quorum & Dignitas, & virtutis excellentia ita ad mea opella pondus commendatio-



mendationemque faciunt; ut, majusne mihi decus à gravissimis Vestris Nominibus, num ab excelsa rara virtutis splendore accessisse gratuletur? ignorem plane: Istud unum mihi compertum vehementer exulto, quodd, quidquid Nuncupatores suis in Patronis authoritatis ornamentique requirunt, istud ego, modò quodam excellentiori in Vestra gloria virtuteque possideam.

Quoties enim cogitationem animumque subit **Tua PRÆLATE DIGNISSIME** atque Lateranensem Canoniorum Moderator Gravissime Dignitas, toties pudor quidam ac verecundia oculos vultumque circumstant, tantillum scilicet ingeni usatum **Tue Authoritatis** fulgore illustrari, quæ ad summa etiam Sapientia clarissima monumenta tuenda & decoranda perabunde sufficit.

Quæ enim non modo **Authoritatis** sed & excelsarum dorum præstantiâ Te circumfulgere putem quem ad tam nobilissimi celeberrimique Catus imperium erectum altè reverendo, cum summa nonnisi virtuti ac prudentia solemne id esse sciam: Te igitur amplissimis animi & corporis ornamentis promotum suspicio? Caterum recreat me ac sublevat spectata in Te Vir Præstantissime comitas ac benevolentia, quam cum omnes in Te admirari, tum ii præsertim, qui in literario pulvere desudant, jure quasi suo postulare videntur. Non equidem mihi dubium est atque abstrujum, tantum in honestandis Literatorum operibus splendorem **Authoritatis Tue** valere, nihil ut tam leve sit atque minutum, quod non **Tua** statim **Nominis** dignitate crescat, & suam quodammodo supra naturam efferatur. Quod ego, tametsi altè silentiò venerarer, loquantur nihilominus istud numerò copiosa, argumentò pulcherrima Eruditorum opera, quibus sub auspiciatissimo **Tuo Nomine** lucem aspicere indulxisti. Unde liquet, omnem Literatorum industriam, atque ipsas optimas disciplinas **Dignitati Tue** vectigales existisse, & si suum **Romani**



MECÆNATEM propter summam in Literas munificentiam hereditariis omnium saeculorum laudibus apud posteros immortalem effecerunt: Te quoque beneficii, an ore, humanitateque in Literas, cultissima hac aetate conspicuum, pulcherrimis Scientiarum monumentis, tanquam digni auro cedraque inscriptum, Eruditi nunquam intermoritura posteritatis memoria extollendum transmittunt. Ita enim vitam beatam vivas, atque ad ipsam statim praclari Nominis Tui recordationem Vir ille in omnium animis cogitationibusque obverseris: cui nihil peregrinum, nisi, quod cum vitio conjunctum, in quo & humanitas cum Autoritate, & affabilitas cum gravitate, & Virtus cum Sapientia Marte aequissimo certat. Nam si Supremam Lateranensium Canoniorum Dignitatem (quam non tam communi Sacerrimi Cetus consensu, quam potius amplissimorum meritorum suffragio capessisti) in Te revereor, non possum plane non suspicere, effusa totius amplissimi Lateranensium Collegii in Te amoris pietatisque studia, quibus contendunt singuli, non tam Principis sui ac Moderatoris auctoritatem: quam lenissimi Patris in se benignitatem, facere universis perspectam atque exploratam: Quid vero de Tuis in Calites totamque Sacerrimam Tuam Familiam benemerendi desideriis sentiri putem? qua non modo omnium vocibus lingvisque celebrantur, sed muta quoque Sacrorum parietum significatione, in omnium oculos animosque incur- runt. Quid enim Splendor ille ac Majestas Divini Sacrii? quid Ara, magnifica fulgentes suppellectili, quid Sacrum STANISLAI Bustum ornatissimo apparatu superbum? quam ut, omnem si literarum ex hominum memoria aboleri contingeret testificationem: tacita illa & inanima signa, te munificentissimum sui Patronum recognoscerent: & Tua in Deum, Ordinemque Integer- rimum amplissima promerita, non tam loquendo, quam significando profiteren- tur. Istud ego mediis fidiis Tua modestia conscius, recensere metuerem, nisi hac omnia Recte gestorum Tuorum ornamenta ita essent singulis manife-  
sta, pu-



sta, publicoque Theatro proposita, ut difficilior malevoli viri, qui ea non laudet: quam assentatoris qui laudet suspicione, carere possit.

Hi sunt igitur Vir Spectatissime! Sapiencia Virtutisque Tua fructus uberrimi, quos omnes licet pleno ore semper commendent, nihil tamen de Te dicere possunt tam amplum atque magnificum, quod non facinorum Tuorum magnitudine copiaque superetur. Ergo equi bonique facies, hoc publica mea in Te, Tuumque Catum Integerrimum estimationis argumentum. Frugem ego incredibilis benignitatis Tua hanc sentiam maximam, quod istius Viri patrocinio gaudere merui, quem propter immortalia propteritorum genera, naturam nonnisi mortalem fas esset nominare.

Vosque Viri Ornatissimi quotquot in Comitibus istis amplissimis ad capiendam de Ordinis Vestri integritate saluberrima consilia convocatos veneror, Principis Vestri benignitatis amulatores, admittite istud STANISLAI Vestrique Catus Sacerrimi gloriae, gratiaeque meae in Vos voluntatis indicium ac monumentum! non placida quidem dicendi Svaritate (Virtutis enim non ingenii laudem quaesivi) sed utilitatis STANISLAI, Vestrisque promeritis commendatissimum. Mole sua perexiguum est, sed argumentum magnum, quod vel ideo benigno ad vos supercilio venire patiemini, quia Vestrum est: patrocinio scilicet Vestro munitum, firmatum auctoritate, totiusque Vestri Sacerrimi Concilii decoribus auctum.

Ita Deus Immortalis Vestris Viri Amplissimi felicissime votis honoribusque prospiciat, atque Vos totius Sacerrimae Familiae Vestrae gloriae ornamentoque impraesentiarum consulitis! Teque PRÆLATE DIGNISSIME Vir Præstantissime! (Cujus providum ac solers moderamen florentissi-



*mam hanc Virorum Coronam ad istiusmodi comitium benignissimo nutu acci-  
vit) locupletissimis Celorum muneribus cumulatum, succrescentem indies ex  
Sapientissimis tantorum Virorum consultis, Catus Tui amplissimi splendo-  
rem, ad longa seculorum lustra, Divinum fortunatissime Numen faciat con-  
tueri. Dabam Cracovia Anno 1776. XVII. Kalendas Augusti.*

REVERENDISSIMÆ  
PERILLUSTRIS DOMINATIONIS VESTRÆ  
MECÆNATIS DIGNISSIMI

atque  
TOTIUS ORNATISSIMI CAPITULI

devotissimus Cultor.

A. O.



# ORATIO



**P**raeclara STANISLAI CASIMIRITANI  
facinora, ingenti existimationis magni-  
tudine patrios Regni fines praetergressa,  
alieno etiam sub sole in Latii nimi-  
rum Galliarumque luce amplissimos integritatis suae  
Praecones repperunt AA. in hoc vero peraugusto  
Divi Caesitumque Sacratio, post tot callidissimos  
Oratores, (quorum solemnibus verbis sacri isti pa-  
rietes personabant,) me tandem celebritate hodi-  
erna, in florentissima Vestrum concione ita volu-  
ptate admirationeque conficiunt, ut ambigam  
etiamnum severius magisne mihi in tam pulcher-  
rimo dicendi genere gestiendum, aut in tanta pro-  
digiorum potius quam recte gestorum Viri San-  
ctissimi excellentia stupescendum? Ecquis enim la-  
titiis omnibus non exultet, arcanò fati cujusdam  
beneficiò illius sibi Exedrae splendorem concessisse,  
ex qua & Vestrae Viri Gravissimi Auctoritatis au-  
res expectationesque pendeant, & sapientiae Vestrae  
animi judiciaque teneantur? Ecquis istiusmodi  
orandi



orandi Provinciæ non triumphet proludere, cuius illustre argumentum STANISLAUS, supremæ etiam eruditionis, vocibus atque linguis meruit prægustari? aut cuius vel ipso delibato nomine, incredibilis sanctimonix simulacrum animis audientium occurrit.

Equidem, fingite Vobis pro facundo quodam mentium vigore AA. Puerum, qui prius Coelo quàm Mundo respirare cæperit, qui priusquàm sui juris esset, se totum Diis Immortalibus manciparet, qui nondum tenellis pedibus niti valuit; & jam Cœlestis Magistri vestigia sectaretur. Efformate in Adolescente, tantam vitæ castigatæ verecundiam; ad omnem ut ille histrionum licentiam, ad mulcentem sirenarum cantum sardus; quem nec vitæ solutioris libido capiat, neque sanguinis ebullientis æstus, ad instituti liberioris amplexum accendat, neque ætatis impetus, ad lenocinii vel petulantix familiaritatem invitet. Sistite in animis Juvenem, in cuius nihil vel manibus torvum, vel oculis procax, vel gestu inverecundum; cuius tota corporis species imago quædam mentis, internæque probitatis index existat. Cogitate Virum, qui fastidit rerum Academicarum (quod ex præcella eruditione congestisset) ornamentò, propter sublimis sanctimonix splendorem recondendum religiosas se in umbras conjiciat, qui in sacra Militiæ castris



castris integerrimus, flagitiorum tamen mancipium  
vocari gaudeat, in supremo innocentiae fastigio  
Commilitonum suorum probra latus excipiat, in  
suis ipse porro ærumnis ludibriisque triumphet?

Sed quid ista (dicitis tacendo) in homine com-  
mentari laboras, quæ in summo innocentiae apice  
& supra mortalitatis ambitionem posita esse novi-  
mus? attamen, ita vos meque Dii ament Viri Gra-  
vissimi! atque ego ista in STANISLAO, ceu in mortali  
cujusdam Angeli prototypo notavi! Accedit &  
verò istud, quod cùm primam cogitationem meam  
suspensam attonitamque teneret, Vos saltem ra-  
rum ut quidpiam ac insolens reor pensabitis: ho-  
minem scilicet, cujus maturæ virtuti, nefanda reli-  
gio aut veriùs superstitio erat, vel animi tumidi-  
ores spiritus alere, vel inanis famæ rumusculos sti-  
mulosque venari, qui majora quò gesserit, eò vi-  
deri abjectior generosiùs cupiebat, ad eam tamen  
orbis existimationem devenisse, ut, quidquid ab-  
sconderet, evidens; quidquid celaret, clarum; quid-  
quid fugeret, capeffitum, in omnium oculis oribus-  
que versetur? Quid est per Deum Immortalem!  
hominem Publicò subductum, inque Sacræ Familiæ  
latibulis delitescentem, usque eò gloriæ processisse;  
ut suæ virtutis præstantia, neque oblivione præsen-  
tium deleri, neque tetricentiâ posterorum uspiam  
poterit sepeliri?

En



En Vobis Virum illum fuisse STANISLAUM! qui Angelis digna faciendo, studiò quodam eluctabatur incredibili inter humanæ fortis quisquilias reputari: qui actum esse cum sua virtute indoluit, si humana existimatione, non hostium convitiis metiretur. Virum inquam illum fuisse STANISLAUM! cuius Sanctimonix fama, in vita sua mortua, ac sepulta, post mortem ex Sanctissimis Cineribus istis rediviva, tot Gentibus, Provinciis, Urbibus, cum amplissima STANISLAI & Sacerrimi Canonici Lateranensium Cætus gloria pervulgatur, Quid ita? quæritis? respondeo: Vos sementem dicendorum accipite! STANISLAUS non suæ, sed Divinæ tantum gloriæ studendo, & *sua*, & *Divina*, *suorumque* infinitè consuluit: *Divina*, cum mortales inter candidissimus vixerit: *sua* juxta ac *suorum*; cum ad immortalitatis gaudia integerrimus evolârit.

Ego verò cum de re tam præclara publicè finè periculo dicere nequeam, ætate præsertim nostra, in qua, nisi fortè prodigiis similia facienti existimationi suæ licet consulere, duo mihi à Vobis Viri Gravissimi præstari obsecro: alterum ut orationem meam argumenti præstantiâ magnitudineque metiaminor; atque sic, Magnitudo virtutum STANISLAI Orationis humilitatem attollet; alterum ut à me tantum duntaxat postuletis, quantum ab infantia elocutionis præstari queat: quorum primum, pro Vestra in STANISLAUM pietate, pro sapientia autem Vestra postremum flagitanti concedite.



Naturâ ipsâ comparatum est. AA. ita singulos mortalium animos statim ab ineunte ætate ardore gloriæ æstuarè, ut difficile sit aliquem ex præstantissimis etiam Viris reperire, qui præcelsis facinoribûs conspicuus, non quasi mercedem rerum gestarum gloriam desideret? qui emensus breve istud vitæ mortalis curriculum, non etiam post mortem vivere exoptat? qui denique præclara posteritatisque memoriâ digna conatus, non ideo posteritatem omnem ad se pertinere existimet? Hinc profectum est, plurimos venerandæ antiquitatis celeberrimos Viros gloriæ atque immortalitatis studiô abreptos, hos ad comparandam sibi dexteritate posterorum recordationem vitam suam bellorum alexæ credidisse cum Pompejo, illos, ne nominis sui splendor fatorum obrutus injuriâ, virtuti suæ æternitati commendandæ Homeros reperiât, in sexcenta capitis ultro libenterque prorupisse discrimina cum Achille, alios propter nomen suum interfidera amandandum ad monstorum immanium ferociam internecone delendam imperterritos extitisse cum Hercule, alios deinceps ut post mortem in cedro & marmore vivant, in Solone sapientiam, in Trajano fortunam, in Aristide justitiam, in Ulysse prudentiam, scita artis vel naturæ caliditate æmulatos fuisse. Inde ventum est, ut eos, cum quorum vita, omnis quoque fama commen-

C. . . . . datio:



datioque interiit, non vixisse, sed mortuos in vita fuisse Romanus Orator arbitretur, ut omnes Philosophi, in iis etiam libris quos de contemnenda gloria inscribunt, nomen suum inseruisse meminerint, ut ii, quibus per fatorem necessitatem non ita diu gloriæ insidiari licuit, vitæ suæ curriculum non annorum, sed rectè gestorum serie metiendum commendarent!

Ista mediùs fidiùs cùm cogitatione agitare frequentiùs, capere consilium non licuit, quàm STANSLAUS, tanquam humanæ ambitionis nescius. istiusmodi gloriæ igniculis haud exarserit, quonam duce & auspice tantum exultationis humanæ cepit fastidium, ut maximam gloriam reputaret, laudis suæ splendorem mortalium oblivione deleri? demissione? at insusurrat Tullius; non demissi sed levis animi est, justam gloriam, utpote fructum veræ virtutis honestissimum repudiare. Nihilominus tamen humanæ gloriæ contemptorem STANSLAUM universis celeberrimis antiquitatis Viris & gloriosius egisse & præclariùs nomini suo consuluisse accipite. Illi nimirum terrena commendatione, quæ longissima licet, mortalis tamen est, hic Cælesti, quæ immortalis, nullaque temporum vetustate intermotitura, gloriam suam definivit. Illi suæ gloriæ studiosi nomen posteritati hominum commendandum reliquerunt, hic non suæ, sed Di-



10  
vinæ; famæ tamen suæ magnitudinem æternitati  
transmisit. Illi denique hominum linguis, hic  
hominum Superûmque vocibûs meruit celebrari.  
Et jure non immerito: excelsi quippe animi est;  
præclara quam gesseris, gloriam fastidire, quæ ta-  
men ut umbra corpus, comitatur virtutem. At  
enim collocabat quoque STANISLAUS recte gestorum  
suorum mercedem in amplissimo laudis splendore,  
sed cujus? Dei Immortalis! cujus gloriæ incremen-  
tum inter contemptum etiam abjectionemque, am-  
plissimam existimationis suæ gloriam reputabat.

Agedum, jam Divinæ gloriæ ardentissimum stu-  
dium in STANISLAO suspiciamus! Politioribûs ille  
severioribûsque in Jagellonæo. Academo, (qui  
semper optimarum Artium Officina est) discipli-  
nis excultus, verba illa, quibus Divinus Spiritus  
eos, qui alios erudiunt ad justitiam, beatos, qua-  
siq; stellas firmamenti in perpetuas æternitates ra-  
diaturos pollicetur, ex quo sanctissimas ferire au-  
res senserit, continuo grave illud Academicorum  
Institutum tanta animi voluptate arripuit, quasi  
in eo potiore suæ felicitatis partem positam su-  
spicaretur. Acerba docendi Provincia, quod Di-  
vinæ quoque gloriæ accessionem respiciat, animum  
STANISLAI suavissimè titillabat. Ita ille honesta-  
rum artium studiô institutos adolescentes forma-  
bat ad sapientiam, ut simul virtuosos efficeret; ita



naturæ reconditoris arcana juvenibus evolvebat, ut eos simul ad naturæ Authorem diligendum inflammaret, ita Sacræ Scientiæ mysteria explanabat; ut doctrinæ suæ institutioni, exemplò virtutis præludendo, in Magistro sapientissimo, integerrimus Christi Discipulus spectaretur. Tanta ingenii felicitas cum Cracoviensibus eorumque accolis explorata inclaresceret, suamque admirationem subiret, illius splendorem, ne fortè supra Divinæ gloriæ culmen excreceret, tenebris Religionis involvere in animum induxit STANISLAUS; veriùs loquar: docendi Officium haud fertilem ampliandæ Divinæ gloriæ scaturiginem ratus, nisi quoque acerba vivendi ratio, humanæque æstimationis despicatus eidem adfulgeat, Sacerrimæ Canoniorum Lateranensium Militiæ se Sacramentò devinxit,

Dii boni! quantò exuberantis animi lenociniò Sacra Augustini Castra strenuus Miles petierit! quàm saliente supercilio Mathiæ & Hedvigis Parentum expectationem (in quam illi de unica sobole STANISLAO erigebantur) eluserit! quàm generoso pectore Patrimonii facultatibus, quas longior Genitorum cura parturit, ditescere retractarit! quàm denique plaudente vultu superiorum, quinimò parium & infimorum imperia religiosus Tyro obiverit! Auspicanda erant religiosi instituti rudimenta humilitatè abjectissimus! tota corporis species  
sive



five in nutibus audiundis, seu in colloquiis seren-  
dis ad verecundiam componenda? modestissimus!  
in adimplendis asperis quantumvis officii partibus,  
tolerantiæ argumenta præstanda, concoquenda ali-  
orum convitia? patientissimus! O te beatam tan-  
tô Virô Religionem! o te felicem tantô Divinæ  
gloriæ studiô STANISLAUM!

Placeat A.A. Sanctissimum STANISLAI austeri-  
tatis tyrocinium in gemma nascente demirari.  
Vixdum aurora superatis montibus clementiores  
terræ radios indulserit, illa se ex maris alveo pro-  
ripere, Phæbum adventantem salutare, expansis con-  
chis foecundo se rore pascere, decoris sui radios  
dispergere; ubi verò antelucanas solis dapes exce-  
pit, nitoris sui pabulum obtinuit, splendidior sol-  
lis vultum aspexit, clausis undique valvis, ima  
maris petere, abdito fulgore delitescere, ne im-  
puriorî undâ nævum contrahat, ne inter luctantes  
æquoris procellas suffocetur: Ita omni gemmâ  
præstantior STANISLAUS, simulatque Divinæ gloriæ  
ardorem in se augeri, Coelestisque Spiritus auram  
afflare sibi benignius senserit, mox se in lucem  
eruditorum conferre, superni favoris gratiis irrorari,  
saluberrimæ eruditionis fulgore splendescere; ubi  
verò post amplissimos laboris fructus, suæ quo-  
que existimationis nitidius astrum illuxit, mox ad  
latebras Religionis confugere, suæ commendatio-



nis odium honorumque contemptum amplecti, ne scilicet suus splendor Divinæ gloriæ lucem offunderet, ne flagrans terrenæ felicitatis sitis, (quam nec Pyrrho amplissimum Spartharum regnum, nec Alexandro universus terrarum orbis potuit extinguere) cor STANISLAI fascinaret.

Atque hic jam AA. sentio me Oratione ipsa delapsum ad excelsæ sanctimonix splendorem in STANISLAO, qui neque continuô abiectionis studiô abditus, extra religiosa mænia divagatus, accendebat universos ad amplectendum vitæ sanctioris candorem. Equidem ne vivam! si ea quæ dixero non ita vera sunt atque istud: Vos impræsentiarum à me, & me à vobis oculis usurpari! nempe: excelsâ STANISLAI morum innocentiam, effrenem vitæ licentiam exulasse, candidissimo vernantis virginittis flore impudicæ veneris spurcitiis ad interiorum Cypridem avolasse, raræ humilitatis exemplô, fastum arrogantix suæque irritamenta erubuisse, Angelicarum dotum invitamentô, agrestem vitæ petulantiam & impietatem ad morum ingenuitatem rediisse castigatam.

Negatis? cernite unâ mecum patientiam STANISLAI insulsis commilitonum probris, atque inconditis convitiis impugnari. Quid illa? num cum iniquis aggressoribus luctatur audaciùs, probra probris, convitia convitiis, sarcasmos sacramentis elidit?



dit? absit: num levitatem sociorum redarguit, lingvæ procacitatem asperius insectatur? nihil minùs: num mentitam personatamque innocentiae speciem objicientibus, ad synceræ sanctitatis testimonium Canobii recessus, suis ululatibus, & suspiriis resonantes, Coelos & sidera sistit? ne hoc quidem, Ergo inconsulta ista STANISLAI patientia, quæ solutiori impudentiæ fomitem stimulosque adjecit? Ita est inconsulta sanè: his quippe ludibundis suamque integritatem carpentibus, fatetur STANISLAUS se scelerum poenè receptaculum, vitæ respiriò sanctiòquo confortiò indignum, nescio, quas conscientiae noxas fusis lacrymis deplorat. Attoniti tantæ virtutis spectaculò malè homines animati! alter in alterum aspectum circumfert, lingvæ volubilitatem erubescunt, ad vitæ melioris frugem, exemplò STANISLAI accenduntur, procumbentes ad pedes veniam temeritati implorant, innocentiam, innocentiam se mimica carpendi libidine profanasse, Deos hominesque testantur! O Te inconsultum, STANISLAUM, consultissimæ posteritati imitandum! qui tam miranda virtutis dexteritate oppugnatores innocentiae Tuæ, commendatores admiratoresque effecisti!

Sinite me hîc silentiò premere AA. ardenti flammam Divini amoris flammam, quæ ad incruentæ Victimæ sacrificia exalians, spectantium ora oculosque



losque tenebat; divinam ambitionem illam, qua magistratus cum gravissimis laboribus animarumque salute procuranda conjunctos arripiebat, illum paupertatis amorem, quo Ille ad Divinos favores capeffendos splendidissimus eminebat, illud cum CANTIIS, SVETOSLAIS, GEDROYCIIS, LIPNICIIS cæterisque integerrimis Viris sanctissimum consortium quod STANISLAUM Dei ipsius favissimum consortium effecerat. Quæ singula tantum gloriæ Divinæ studium in STANISLAO testantur, ut illius ne quidem luculentam imaginem effingere liceat, tantis virtutum charitibus circumfusum proponunt, ut quem immortalem in Coelis hominem reveremur, eum ego mortalem in terris Angelum fuisse existimem, tantam denique recte gestorum excellentiam loquuntur; ut, si fato quodam sanctimoniarum regulæ essent omnes abolitæ, in STANISLAO tanquam vivo prototypo legi potuisse videantur!

Quod si verba mea alio in loco aures vestras fatigarent AA. quàm intra parietes istos, in quibus haud interruptè percrebrescit gloria STANISLAI, quàm in Urbe illa, quæ natalibus Viri Integerrimi tanquam excellentis famæ prærogativâ illustris omnî invidiâ fortiolem STANISLAI laudem debuccinat. non tam hercle secundis ventis mea exultaret Oratio. Ita enim perappositè, nescio quo siderum consensu & conjuratione factum est, ut ad nobilitandam

Viri



Viri Clarissimi juxta ac Integerrimi nominis commendationem (quam non ullo tempore dimittendam, sed cum omni immortalitate adæquandam solius Divinæ gloriæ studiò sibi comparavit,) neque à me quidquam tentari excellentius, neque à Vobis firmitus optari expediat. Adest quippe & verò non ita longè adest *Petrina* Casimiræ Ædes, propter atrocissimam Cracoviensium Præsulis STANISLAI necem haud vobis omninò retrusa, quam ad delibandam infinitæ gloriæ STANISLAI nostri notionem, petite unà mecum Viri Gravissimi, & ne filum precationum abrumpere contingat, paulò longiùs STANISLAUM Divina solventem pensa inspectemus. Deus Immortalis! nixus pedibùs ad madidam cruore Pontificis Aram, oculis humi defixis, conjunctis ad pectus manibùs, in tam sèves mentis ruit ardores. ut non hominem, sed in homine spirantem Seraphinum jurares! cùm tandem oculos in Cælum sublimiùs tolleret, ruptis quasi templi culminibùs, Reparatoris nostri Virgo simul ac Genitrix, frequentissimo Cœlestium Internunciorum stipata agmine cum cruenta illa Boleslai victima Sanctissimo Pontifice oculis STANISLAI oberrat -- Gaudeo (vocem Mariæ obstupescite,) gaudeo Fili mi STANISLAE! de non intermisso in Me, Meamque Prolem & Tutorem Tuum, Antistitem isthunc Pietatis studio, cujus exercitium

D.

conti-



continuum Coelestium Tibi voluptatum torrentem,  
sempiternamque gloriam conciliavit! Ad vocis istius  
sonitum, tanto in Coelites amore STANISLAUS ex-  
candescit; ut loci, vitae mortalis haud conscius ad  
Coelestes delicias se raptum existimet, anhelus Spi-  
ritus tanto in Mariam ardore furit, ut exanimum  
statuam crederetis, nisi vitam suspiria, flagrantem-  
que gemitus eò insciò elapsi proderent.

Quid multa? juverit exitum Orationis ad mor-  
tis STANISLAI confinia accedere. Sed quid est per  
sanctam Fidem! quòd luctantem cum natura STA-  
NISLAUM rursus Servatoris ipsius visione recreari  
conspicio! En! Invississimus isthic Angelorum Ho-  
spes, bono animo esse STANISLAUM jubet, pro ingen-  
ti flagrantissimoque suae gloriae studio, Regiam il-  
lam Coelestem, Mentium Beatarum Concilium,  
post aliquot clepsydrae mensuras; nominis vero per-  
petuam aeternitatem, Divinis verbis STANISLAO pol-  
licetur! Prò saeculis omnibus suspiciendum specta-  
culum! quo STANISLAUS tanquam infinitis perfusus  
gaudiis, Coelestiumque rerum deliciis immersus,  
nonnisi immensi tadio ad mortalitatis exitum, ad  
prolixiuscum Deo Homine colloquium suspirabat.

Præstat AA. à vita STANISLAI discedere, Cujus  
continuas calamitates Divinò solatiò sublevatas,  
morum plusquam Angelicam innocentiam, Serva-  
toris, suaeque Matris oraculò stabilitam, nominis  
gloriam



gloriam non dico in Coelis, sed in terris etiam sem-  
piternam, rerum omnium Molitore Oblide datam  
significatamque accepistis. Post fata gloriosum  
STANISLAUM vel unica cogitatione attingite! Vul-  
gavit fama Integerrimum Virum, vitam mortu-  
lem cum immortali commutasse, & ecce delite-  
scens illa in Cœnobii angulis vitæ integritas, tan-  
quam Sabæa messis universas Civitatis partes per-  
vagatur, crepat in Provinciis sanctitas, morum in-  
nocentia in Urbibus resonat, gloriæ Divinæ studi-  
um omnium linguas sermonesque occupat. Ex-  
cedit Patriis limitibus amplissima gloria STANISLAI,  
virtutum candor exterarum gentium pennas acuit,  
magnitudo facinorum vindices veritatis fastos in-  
struit, admiranda prodigia, (quorum numerum vix  
miryadibus definire par esset) ingentem Ordinum  
concursum ad Ædis istius penetralia accersunt.  
Quorum alii Viro Integerrimo salutem commen-  
dare, alii patrocinium implorare, alii sacris è Cinc-  
ribus quidpiam Reliquiarum prehendere, alii - . .  
- . Sed heus quo me rapis Gloria STANISLAI!  
jamjam gratulare tibi amplissimum Virorum Cœ-  
tum, juventutis istius florem, sobriè de te sapere,  
meæque calculum sententiæ adjicere. Quodsi ve-  
rò de infinita poenè hac in terris gloria anceps  
quispiam dubitat, per me Teque Vir Sanctissime  
liceat! sed simul illa vultum Tuum referentia au-



rea argenteaque nummismata, tumulum isthunc  
sanctissimis Cineribus suisque ornamentis splendi-  
dum, Aras Tuo Nomini positas, festos Tuo Ho-  
nori institutos dies, publicas hominum venerati-  
ones, tanquam totidem esse Tuæ gloriæ monu-  
menta dubitet.

Ut ex recte gestis STANISLAI illustribus honori-  
ficentissimam in Superos Seque laudis amplitudi-  
nem profluxisse attonitus suspiciam; longè nihilo-  
minus abest, istiusmodi finibus gloriam STANISLAI  
ita definiri: ut torrente uberrimo in candidissi-  
mum Lateranensium Canonorum Coetum ejus-  
dem prærogativam ambigam derivari. Accessit  
equidem vetustissimo juxta ac in Rempublicam  
Christianam meritis clarissimo Instituto huic, tan-  
tum ex STANISLAO ornamentis ac decoris, ut hoc  
solum, ad illius splendorem in nepotum animis  
nobililandum, Ordinisque sanctitatem Superis com-  
mendandam sufficere luculentissimè videatur. Nam  
quid est amabo, quod Sacerrimæ Familiæ pietatem  
in Coelites felicius adumbret, quàm sanctissimis  
Instituti legibus ita obsecundare, ut illud Divino  
Numini carissimum universo etiam terrarum Or-  
bi compertum exploratuniquè habeatur? Quid est,  
quod Religionis integritatem manifestet augustius,  
quàm Patris Conditorisque sui eximia facinora  
tantâ solertiâ æmulari, ut similes virtute Filios  
Divorum



Divorum Domicilio consortioque adsciscat? Quid denique intaminatum Fidei Candorem religiosi in Coetibus Ecclesiæ testetur evidentiùs, quàm ab illis tanta sanctitatis suæ præsidia pignorari, ut eorum adminiculò, hostium infestissimorum furibundos assultus, non modò fortissimè sustineat, sed & gloriosissimè frangat penitusque convellat. Magnifica isthæc singula, quemadmodum mihi à Vobis negatum iù neutiquam confido, ita omnia à præclarè gestis STANISLAI Lateranensem Religionem repetere vindicareque debere jure merito affirmandum.

Quod ne ad causam à me præsentem temerè confingi puteris, ponite Vobis ob oculos rectefactorum STANISLAI excellentiam, à primis suis incunabulis ad hæc usque tempora plenè semper faucibus decantari solitam, nullà sæculorum injurià obliterandam, quinimò quoque magis in universas Terrarum gentes exundantem, illam profectò à nemine mortalium supra Cœlos ipsos extolli ac celebrari reperitis quin Sacram AUGUSTINI Militiam sanctitatis altricem, Matremque carissimæ Deo sobolis identidem deprædicent? Revolvite immortales præcones integritatisque STANISLAI debuccinatores fastos, plena elogiorum lustate volumina, in his, quodsi ita Viri Integerri mi præconia cohonestari notabitis, quin Candidissi-  
mam

mam Lateranensem Religionem ad exactam illam  
Conditoris sui Hipponensium Præsulis vitæ nor-  
mam accedere, spectatæ virtutis in Cœlites Præde  
Obsideque STANISLAO illustrem perceperit, per  
Vobis cuncta æquitatis jura licebit me criminis  
religionisque damnare. Jam si paulò altiùs men-  
tem in Cœlos erigamus, in Divinam scilicet illam  
spirituum Sedem splendidissimam, cogitari mediùs  
fidiùs vix possunt illa Divorum ex suo Consorte,  
STANISLAO tripudia, quin Sacerrimum Lateranen-  
sium Canoniorum Coetum fructus maturæ pro-  
bitatis sibi parturire vehementer exultent.

Quid tandem Sponsa Christi Ecclesia? debet  
ecce ordini huic vetustissimo suum in STANISLAO  
perfugium; quidquid enim pravarum opinionum,  
satores, dogmatum impiorum architecti, supersti-  
tionis antesignani, contra illius sanctitatem fide-  
litatemque effutient, objicere sufficiet tot tantaque  
prodigia, gratissimis Deo precationibùs STANISLAI,  
Divina virtute in mortalibus ad sacros patrata Ci-  
neres, quæ Virum isthunc Integerrimum Cœlesti  
adoptatum Concilio, atque ex sacrosanctæ Eccle-  
siæ sinu in societatem Divorum translatum, plus-  
quàm probari debet, testantur. Quodsi jam acer-  
rimi Fidei hostes orthodoxam religionem nostram  
superstitionis, candorem simplicitatemque temeri-  
tatis, veritatem æternam falsitatis, scelerum virtus  
res,



tes, si sanctitatem impietatis, Divorum veneratio-  
nem, sacrilegi cultus, per nefas omne hallucinan-  
do, condemnent, crimina isthæc universa in eo-  
rum errores felicissimè refundemus, si cæteris in-  
concussis Divinæ Religionis munimentis ac præsi-  
diis adjiciamus STANISLAUM, (quem Supremus Cœ-  
li terræque Dominus, carissimæ suæ in terris Spon-  
sæ novissimum decus ac tutamen præfecit) tan-  
quam Virum sanctissimis Catholicorum institutis  
moribusque præcellentem, ex Sacerrimæ Christi  
Communione castris, Cœlitum tandem Deique  
amicitiæ fœdus iniisse. Palpabunt in STANISLAO;  
Divinum Numen nova continuo Ecclesiæ suæ ad-  
ministrare; ut tela inimicorum facili-  
ùs contundat ac debilitet, sanctitatem integrita-  
temque illius Divinis judiciis prodigiisque fulciri;  
ut perversas hostium machinationes & odia forti-  
ùs fundat, atque convellat; veritatem disciplinæ  
tot tantisque suis fructibus indigitari; ut simulata  
osorum astutia feliciùs corruat, atque contumeli-  
osius succumbat. Habebunt itaque in STANISLAO,  
quidquid Religioni sacrosanctæ invidere possunt,  
quod invidendo mirentur, habebunt, quicunque  
splendorem sanctitatis suæ terre non possunt, quod  
proben improbando.

Te mihi adextremum interpellare liceat, tot  
Cœlestium Civium procreatrix, tot fortissimorum  
Heroum

Heroum genitrix, tot pro Religione Romana de-  
certantium Achillium mater olim exteris formi-  
danda nationibus Lechiadum Gens fortissima ca-  
rissima Patria! quis amabo Tuus de Lateranensi-  
um Canonorum Coetu candidissimo sensus? vi-  
de! quantis sanctitatis Religionisque fructibus ma-  
ture scat! quantis tui solatiis gaudiisque resplende-  
at! quantis ornamentis ac præsiidiis ad tuam inte-  
gritatem circumfulgeat! Habes tuis nutritum ube-  
ribus, sacerrimis verò Lateranensium Institutis Cœ-  
lesti adoptatum Domicilio novum apud Deum re-  
rum tuarum Protectorem efficacissimum, integri-  
tatis tuæ subsidium tutissimum, salutis conservan-  
dæ, avitæ dexteritatis, pervetustæ reparandæ gloriæ  
studiosissimum Precatorem STANISLAUM! Gaude &  
exulta sanctissima isthac de Lateranensium Cano-  
nicorum Integerrimo Ordine suscepta sobole; quam  
Tibi Superi ad cæterarum gentium invidiam, ad  
nominis Tui infinitam gloriam adaugendam, ceu  
gratissimum in tantis calamitatibus solatium &  
perfugium suggessere! Memineris amplissimæ illi-  
us gloriæ Tuæ, quam ex geminis celeberrimis tro-  
phæis, de Ottomanica scilicet altero, altero de  
Scythica gente moderante Habenas Regni Casi-  
miro III. reportatis, uberrimam collegisti, felici-  
bûs, atque ideo sempiternâ eâque gratissimâ me-  
moriâ recolendis precationibûs STANISLAI: Gratu-  
lare



lare Tibi de tanto filio atque de tanti Filii Institutore Ordo Lateranensis!

Virtutis enimverò fuerat STANISLAI, tam excellæ integritatis beatitatisque fastigium promeruisse; Majestatis Ecclesiæ, illibatum Communionis suæ membrum immortalitati consecratum, ceu castigatissimum integritatis exemplar, universis sectandum reverendumque proposuisse; felicitatis Patriæ, tantum Superis Civem, tantum incolumitatis Tutorem, Divis suis in consortium Penatibus genuisse; Canonorum verò Lateranensium existimationis ac gloriæ, non modo tantæ sanctimonix societatem coluisse, illius facinora perexcellsa persequi cupidissimè, verùm etiam tantum Christianæ Reipublicæ lumen ac ornamentum, tantum Patriæ munimentum ac præsidium, saluberrimis Instituti sui legibus formasse, imbuisse, atque Divorum Domicilio gloriosissimè adscivisse.

Quodsi namque solers Homeri ingenium, visque Poëmatis mirifica, universi totius gloriam, amplissimam consecuta, Urbes quoque septem illas, quæ de Patriis Viri clarissimi focis arisque contendebant, teste Cicerone gloriosissimas effecerat; quidni numeris omnibus absoluta, in singulas pænè gentes amplissimè divulgata, Superùmque digna amplexibus vitæ STANISLAI integritas, sacerdotum Lateranensium Canonorum Familiam,  
E æquam

aquam ut potè sui vendicem ubique honorificentissimam gloriosius prædicet atque commendet? Profectò velim tantum mihi dicendi facultatis Boni Coeli largiantur, atque ego istud felicissimè juxta ac firmissimè Vobis persvadeam!

Enimverò videre mihi videor Patriam ipsam ac Ecclesiam meis etiamnum oberrantem oculis, istiusmodi consilium sententiamque probare, cerno animo. Christianam Rempublicam suæ felicitati applaudentem, his Patriam nostram vocibus adoriri: Si quod solatii genus tua mihi pietate indultum sensi svavissimum o Filia! non impar certè & illud, quod Religiosissimum Lateranensium Collegium tuo sub Sole feliciùs procreavit! ego splendoris maiestatisque meæ incrementum, tu salutis incolumitatisque tuæ præsidium, STANISLAUM apud Deum novissimè possidemus. Adolevit lumen isthoc sanctitatis meæ splendidissimum, in Lateranensis Instituti fortunatissimo sinu, pro Sacerrimo isthoc Augustini Coetu, maturæ in me pietatis, in Te verò immortalium meritorum ubertatis testis integerrimus! Hunc ego Ordinem Candidissimum pro tantis Religionis fructibus amore complectar mirificè, Sponso in Coelis carissimo tuam in me fidem virtutemque commendabo sollicitè, vota beare sua, desideriaque lenire efficacius non desinam! Tu pro tanta in Te meritorum ac ornamentorum

pul-



pulcherrima messe, suam integritatem sartam te-  
ctamque efficias; splendorem beneficiis augeas; in-  
tegritatem posteris prædicandam imitandamque  
proponas! ut tantæ Altricem sanctitatis Lateranen-  
sem Familiam, albis ceu quadrigis ad solium ho-  
nors evectam, in sede tandem immortalitatis ca-  
stissimam collocemus. DIXI.

18

Ad Majorem DEI Gloriam.







100-

UX-

am



Permissu  
*MAGNIFICI & AMPLISSIMI DOMINI*  
RECTORIS.





tegr  
prop  
sem  
nor



